

# **Rais cuba damai dua negeri**

Bahan asal dari Arkib  
Negara Malaysia

**KUALA LUMPUR, Khamis** — Menteri Kema-  
juan Tanah dan Wilayah, Datuk Rais Yatim  
akan ke Sungai Muda menyelesaikan masalah  
sempadan yang dipertikaikan antara Pulau  
Pinang dan Kedah.

Menteri itu berharap, masalah tersebut akan  
dapat diselesaikan dengan campur tangan dari  
Kementeriaannya.

Bercakap dalam satu sidang akhbar di sini, Datuk  
Rais berkata, "Masalah sempadan antara kedua ne-  
geri itu yang berlanjutan adalah satu perkembangan  
yang tidak sihat dan memerlukan satu penyelesaian  
segera".

Bagaimanapun, isu  
tersebut menjadi lebih  
mudah bila kedua belah  
pihak bersetuju  
menerima wakil dari  
Kerajaan Pusat, kata Da-  
tuk Rais lagi.

Beliau mendapat  
arahan dari Perdana  
Menteri, Datuk Seri Dr.  
Mahathir Mohamad  
menyelesaikan per-  
tikalan tersebut.

Menurutnya, per-  
tikalan sempadan antara  
Kedah dan Pulau Pinang  
di Sungai Muda akan da-  
pat diselesaikan  
sekiranya terdapat tolak  
ansur antara kedua belah  
pihak.

Beliau yang men-  
sifatkan dirinya sebagai  
orang tengah antara  
Kerajaan Negeri dan Pu-  
sat yakin pertikaian  
tersebut akan dapat  
diatasi.

Beliau akan mencari  
jalan penyelesaian sama  
a d a d e n g a n  
menyerahkan tepi sungai  
atau sebahagian dari  
sungai kepada mana-  
mana pihak untuk  
kepentingan bersama.

Bagaimanapun,  
bellau tidak menafikan  
penyelesaian masalah  
tersebut akan melibat-  
kan kepentingan  
ekonomi dan kedaulatan  
kedua negeri.

Beliau akan ke sana  
bersama-sama Peguam  
Negara, wakil-wakil dari  
Pulau Pinang, Kedah dan  
pegawai-pegawai dari  
Kementeriannya untuk  
melihat sendiri keadaan  
di situ.

Isu tersebut, jelas  
bellau, bukanlah perkara  
baru malah pernah dibin-  
cangkan oleh kedua ne-  
geri sejak tiga tahun lalu.